

摘藻堂四庫全書薈要

史部

欽定四庫全書薈要

史部  
帝王經世圖譜卷十




詳校官員外郎臣潘紹觀

欽定四庫全書蒼要卷一萬一百五

史部

帝王經世圖譜卷十

宋 唐仲友 撰

  
周禮八統旁通之圖

周道八統廢興之圖

周禮庶富加教之譜 上

周禮庶富加教之譜 下

周禮學校總括之譜

鄉學異同之譜

周五學圖

魯泮宮圖

教官施教書攷之圖

鄉遂賓興之圖

王制升選之圖

周禮糾戒誅罰防救之譜

王制簡不帥教之譜

視學養老飲射名數之譜

三ノノノノ

卷十

--	--	--	--	--	--	--	--	--

周禮八統旁通之圖

大宰八統

大宰九兩

司徒

司寇八議

中庸九經

祭統十倫

一曰親親

五曰宗以族得民

六行  
孝 睦 友  
不孝 不睦 不友  
不弟 不弟

一曰議親之辟

親親

見父子之倫焉  
見親疎之殺焉  
見長幼之序焉

二曰敬故

八曰友以任得民

六行  
任 恤  
不任 不恤

二曰議故之辟

在親親敬大臣  
體羣臣之中

三曰進賢

十曰師以賢得民

六德  
知 仁 聖 義 忠 和  
不孝 不睦 不友 不恤

三曰議賢之辟

尊賢

見爵賞之施焉

四曰使能

四曰儒以道得民

十二教 以世事教能則民不失職  
六藝 禮樂射御書數

四曰議能之辟

體羣臣

見爵賞之施焉

五曰保庸

十二教 以庸制祿則民興功

五曰議功之辟

敬大臣  
體羣臣

見爵賞之施焉

六曰尊貴

一曰牧以地得民  
二曰長以貴得民  
六曰主以利得民

十二教 以儀辨等則民不越

六曰議貴之辟

敬大臣

見上下之際焉  
見貴賤之等焉

七曰達吏

七曰吏以治得民  
九曰數以富得民

職事有二十有二

七曰議勤之辟

來百工

見政事之均焉  
見上下之際焉

八曰禮賓

十二教 以陽禮教讓則民不爭

八曰議賓之辟

懷諸侯  
柔遠人



周道八統廢興之圖

八統

文武成王

厲王

宣王

幽王東周

一曰親親

常棣燕兄弟也  
湛露天子燕諸侯也  
厭厭夜飲在宗載考  
白華孝子之潔白也  
南陔孝子相戒以養也

常棣廢則兄弟缺矣  
白華廢則庶心缺矣  
南陔廢則孝友缺矣  
湛露廢則萬國離矣

斯于宣王考室也  
兄弟矣式相好矣  
無相猶矣  
我行其野刺宣王也  
昏姻之故

頌升暴戾無親不能宴  
樂同姓親睦九族  
角弓不親九族而好諍  
佞骨肉相怨  
萬謫棄其九族

二曰敬故

伐木燕朋友故舊也

伐木廢則朋友缺矣

雲漢  
早既太甚散無友紀  
沔水規宣王也  
嗟我兄弟邦人諸友  
我友敬矣讒言其興

谷風刺幽王也天下  
俗薄朋友道絕焉

三曰進賢

鹿鳴燕羣臣嘉賓也  
南有嘉魚樂與賢也  
南山有臺樂得賢也

鹿鳴廢則和樂缺矣  
南有嘉魚廢則賢者不  
安下不得其所矣  
南山有臺廢則為國  
之基隊矣

豕民任賢使能  
鶴鳴誨宣王也  
樂彼之園爰有樹檀  
白駒刺宣王也  
生芻一束其人如玉

隰桑君子在野  
裳裳者華棄賢者類  
丘中有麻莊王不明賢  
人放逐

四曰使能

鹿鳴燕羣臣嘉賓也  
四牡勞使臣之來也  
皇皇者華君遣使臣也

鹿鳴廢則和樂缺矣  
四牡廢則君臣缺矣  
皇皇者華廢則忠信缺矣

燕民任賢使能

北山役使不均  
小旻

謀之不臧則具是依  
雨無正  
三事大夫莫肯夙夜

五曰保庸

四牡勞使臣之來也有  
功而見知則說矣  
彤弓天子錫有功諸侯也

四牡廢則君臣缺矣  
彤弓廢則諸夏衰矣

崧高褒賞申伯  
韓奕能錫命諸侯

賸彼洛矣刺幽王也  
明王能節命諸侯賞  
善罰惡焉

東堂者華純功臣之世  
免交桓王信諸侯皆叛

六曰尊貴

出車勞還率也  
異于還役者明貴賤  
湛露天子燕諸侯也

出車廢則功力缺矣  
湛露廢則萬國離矣

崧高能建國親諸侯  
韓奕能錫命諸侯

正月  
召彼故老訊之占夢  
米叔侮慢諸侯諸侯來  
朝不能錫命以禮

七曰達吏

杜杜勞還役也  
檇樓文王能官人也  
允允檇樓新之楨之

杜杜廢則師衆缺矣  
檇樓者殺廢則無禮儀矣

吉日能謹微按下無  
不自盡以奉其上焉  
無羊宣王考牧也

繇蠻大臣不用仁道  
忘微賤不肯飲食教  
戴之

八曰禮賓

鹿鳴燕羣臣嘉賓也  
蓼蕭澤及四海也

鹿鳴廢則和樂缺矣  
蓼蕭廢則恩澤乖矣

崧高  
王饒于邵  
韓奕  
顯父饒之

瓠葉上棄禮而不能行  
雖有牲宰饗餼不肯  
用也

周禮以冢宰掌邦治統百官均四海其所掌凡十事

詔王者二馬典灋則賦職貢式其書在司書小宰司

會大府大史或貳或執或兼或分蓋皆有司之灋守

也八柄雖以詔王其灋亦在內史至于八統九兩皆

不見其典籍之所藏獨大宰掌之乃知周禮非獨法

守之書冢宰不止作而行之者也法固治天下之具

也然必有道以揆之有人以行之揆法之道八統是

也顧行之者何如耳八統詔王與八柄同而所以詔  
王之意與八柄異柄以執言操乎此而加乎彼福威  
惟辟之意也柄在于上而臣之進退遲速惟吾之聽  
如六轡之于馬也故曰馭羣臣雖然八柄未離乎法  
也法加于其所及而不加于其所不及故足以馭羣  
臣而未足以馭萬民于是有八統焉統之為言貫也  
率于上而從于下上行之而下效之有諸己而后求  
諸人無諸己而后非諸人茲其所以為統也弗躬弗

親庶民弗信故大宰特詔之而行之者王之躬親也  
王道始于親親故者親之推也達于進賢能與庸賢  
之次也能者不必賢庸者不必能貴則以爵而已吏  
則以勤而已故又次之而以禮賓終焉親不可踈則  
親之故懼其狎也則敬之賢難進而易退能違所長  
則無功功者人之所忌故進之使之保之各適其宜  
焉貴當尊者也吏賤而易抑者也尊之達之或從其  
當然或慮其不然也賓非一等以情接之則厚薄無

常而責望易生禮情之節文也無施而不稱隱諸心而安施諸人而厭可守而常行者也禮賓者以禮接之之謂也王親親則民亦親王敬故則民亦敬其故王進賢則民敏德王使能則民進藝王保庸則民興功王尊貴則民敬上王達吏則民服勤王禮賓則民好禮行之于此應之于彼斯之謂八統也吾觀于詩于二雅之廢興未始不由于此凡文武成王之所以垂統持盈者皆此道之興也小雅之所以盡廢

而四夷交侵中國式微者皆此道之廢也宣王之所  
以中興而未免乎歲規誨刺者皆此道之大醇而小  
疵也幽王之所以大壞而東遷之所以不復者皆此  
道之遂亡而春秋作也九兩之繫民則亦維持此道  
而已此道雖王之躬行而大宰之獨詔王其教民之  
目則散見于司徒凡以達此統而施之民至于八者  
不幸而麗于法則有八議之辟專掌于司寇又以輔  
此統而全之斯則有司之法守也子思言治天下國

家有九經大抵與此統相表裏而祭統之十倫蓋宗廟之中一祭祀之間而八統大畧具焉則王之所行與冢宰之所詔何適而非八統者斯固法之所不能拘而常之所不能盡宜乎大宰之有其凡目而典籍不見于他官也故曰八統者揆法之道也夫八統豈王者私術哉夫天之降衷于人固有是八者之心矣仁義之端所以為親親敬故也智之端所以為進賢使能保庸達吏也禮之端所以為尊貴禮賓也無是



四端八統不立無是八統四端不充民心所無而欲強之使從雖家至戶曉日撻而求其聽亦不可得矣烏得謂之統哉斯統也自堯傳之矣親睦九族繼之以平章百姓終之以協和萬邦八統之序也是謂始于親親終于禮賓而自敬故至于達吏皆平章之目也天子之賓諸侯為大賓于四門四門穆穆治人之道盡矣故可以協和萬邦而八統終焉

欽定四庫全書



卷十

周禮庶富加教之譜上

大宰

九兩

繫邦國之民

五等諸侯皆曰

一曰牧以地得民

牧

三等都鄙皆曰

一曰長以貴得民

長

師氏教德行故

一曰師以賢得民

曰賢

大司徒

本俗六

安萬民

一曰媿宮室

一曰族墳墓

大司徒

保息六

養萬民

一曰慈幼

一曰養老

大宰

任萬民

大司徒

登萬民

一曰稼稽

三農生九穀

一曰樹藝

園圃毓草木

一曰作材

虞衡作山澤之材

一曰阜蕃

教牧養萬獸

一曰飭材

百工飭化八材

大司徒

荒政士

聚萬民

一曰散利

一曰薄征

一曰緩刑

一曰弛力

一曰舍禁

大司徒

土會

辨五地之物生

一曰山林

一曰川澤

保氏教道藝政

言儒以道得民

曰道

五宗皆宗

言宗以族得民

卿大夫有族者

言皇以利得民

皆曰主

羣臣厚吏舉吏

言吏以治得民

見臣

鄉田同井之友

言友以信得民

亦聯朋友之友

舉數見山林川

言數以富得民

澤

言聯兄弟

言振窮

言通財

商賈阜通貨賄

言去幾

言丘陵

言聯師儒

言恤貧

言斂材

臣妾聚斂疏財

言殺哀

言墳行

言聯朋友

言寬疾

言學藝

士

言多昏

言世事

巫祝之類

言索鬼神

言同衣服

言安富

言服事

府史齊彼之類

言除盜賊

言原隰

言生材

開民無常職轉移執事

言蕃樂

周禮庶富加教之譜下

大司徒

土宜十二壤

鄭土惟壤  
田中上  
賦錯上中

宋同鄭

燕土白壤  
田中中  
賦上上錯

吳越土塗泥  
田下下  
賦下上錯

齊土白墳  
廣斤  
田上下  
賦中上

大司徒

土均五物見  
九等

上上

上中

上下

三

等

上

地

大宰

八統馭萬民

一曰親親

二曰敬故

三曰進賢

大司徒

三物教萬民而  
賓興之

知

仁

聖

義

忠

和

大司徒

五禮防萬民之  
而教之中備  
六樂而教之和

吉

凶

軍

賓

嘉

大司徒

十二教

祀禮教敬

陽禮教讓

陰禮教親

樂禮教和

儀辨等

衛

土黑墳  
田中下  
賦貞

中上

三等

四曰使能

魯

土赤墳  
田上中  
賦中中

中中

中等

五曰保庸

趙

同燕

中下

地中

六曰保庸

晉

同燕

下上

三等

六曰尊貴

秦

土青墳  
田中下  
賦中上  
田下中  
三銷

下中

下

七曰達吏

周

同鄭

下下

地

八曰禮賓

楚

土塗泥  
田下中  
賦上下

藝

數書

大武

庸制祿

御射樂禮

大濩

賢制爵

禮

大夏

世事教能

恤

大磬

度教節

任

大咸

誓教恤

媿

大咸

刑教中

友

雲門大卷

俗教安

大司徒鄉八刑

不孝  
不任

不睦  
不恤

不媿  
造言

不弟  
亂民

周禮大宰之職以八統詔王馭萬民一曰親親二曰敬  
故三曰進賢四曰使能五曰保庸六曰尊貴七曰達吏  
八曰禮賓 以九職任萬民一曰三農生九穀二曰園  
圃毓草木三曰虞衡作山澤之材四曰藪牧養蕃鳥獸  
五曰百工飭化八材六曰商賈阜通貨賄七曰嬪婦化  
治絲枲八曰臣妾聚斂疏財九曰閒民無常職轉移執  
事 以九兩繫邦國之民一曰牧以地得民二曰長以  
貴得民三曰師以賢得民四曰儒以道得民五曰宗以

族得民六曰主以利得民七曰吏以治得民八曰友以  
任得民九曰數以富得民 大司徒以土會之灋辨五  
地之物生一曰山林其動物宜毛物其植物宜阜物其  
民毛而方二曰川澤其動物宜鱗物其植物宜膏物其  
民黑而津三曰丘陵其動物宜羽物其植物宜覈物其  
民專而長四曰墳衍其動物宜介物其植物宜莢物其  
民皙而瘠五曰原隰其動物宜羸物其植物宜叢物其  
民豐肉而庠因此五物者民之常而施十有二教焉一



曰以祀禮教敬則民不苟二曰以陽禮教讓則民不爭  
三曰以陰禮教親則民不怨四曰以樂禮教和則民不  
乖五曰以儀辨等則民不越六曰以俗教安則民不偷  
七曰以刑教中則民不競八曰以誓教恤則民不怠九  
曰以度教節則民知足十曰以世事教能則民不失職  
十有一曰以賢制爵則民慎德十有二曰以庸制祿則  
民興功 以上宜之灋辨十有五土之名物以相民宅  
而知其利害以阜人民以蕃鳥獸以毓草木以任土事

辨十有二壤之物而知其種以教稼穡樹藝以土均  
之灋辨五物九等制天下之地征以作民職以令地貢  
以斂財賦以均齊天下之政以荒政十有二聚萬民  
一曰散利二曰薄征三曰緩刑四曰弛力五曰舍禁六  
曰去幾七曰青禮八曰殺哀九曰蕃樂十曰多昏十有  
一曰索鬼神十有二曰除盜賊以保息六養萬民一  
曰慈幼二曰養老三曰振窮四曰恤貧五曰寬疾六曰  
安富以本俗六安萬民一曰媿宮室二曰族墳墓三

曰聯兄弟四曰聯師儒五曰聯朋友六曰同衣服 頌

職事十有二于邦國都鄙使以登萬民一曰稼穡二曰

樹藝三曰作材四曰阜蕃五曰飭材六曰通財七曰化

材八曰斂材九曰生材十曰學藝十有一曰世事十有

二曰服事 以鄉三物教萬民而賓與之一曰六德知

仁聖義忠和二曰六行孝友睦婣任恤三曰六藝禮樂

射御書數 以鄉八刑糾萬民一曰不孝之刑二曰不

睦之刑三曰不婣之刑四曰不弟之刑五曰不任之刑

六曰不恤之刑七曰造言之刑八曰亂民之刑以五  
禮防萬民之偽而教之中以六樂防萬民之情而教之  
和凡萬民之不服教而有獄訟者與有地治者聽而  
斷之其附于刑者歸于士

孔子告冉有既庶加富加教牧民而三者具則王道  
成矣曰兩曰保息曰本俗所以庶之者至矣則有職  
事荒政土會土宜土均之灋以富之既富矣則有八  
統三物十二教五禮六樂以教之教之既至猶有不

率者然後待之以刑鄉八刑是也

伯夷降典折民惟刑即此刑也

在

我者既極其至然後責其在彼故教行而刑不犯堯之命三后舜之敘九功孟子所以告齊梁之君者皆周公之法孔子之意也至于臯陶之刑不在三后之列乃周司寇所掌非司徒之教刑也以弼五教而已後世先王之典廢獨其刑法存耳望民之富庶而不犯于有司難哉庶富教之事其大綱皆總之大宰司徒而謂之天地官者財成天地之道輔相天地之宜

以作民父母者其事莫先于此故以天地名官而四  
時之官分職以佐之耳雖然弗躬弗親庶民弗信自  
九職而下皆有司之事獨八統詔王馭萬民者行之  
于上效之于下王之事也大宰特詔之而已易曰大  
觀在上順而巽中正以觀天下觀盥而不薦有孚顒  
若下觀而化也其八統之謂歟司徒之教而必糾之  
以刑禁于未發之謂豫也噬嗑之初六曰屢校滅趾  
无咎其鄉八刑之謂歟至于何校滅耳以麗于司寇

之五刑則無及矣故譜其庶富教之次第終于八刑  
以見周家忠厚之實云





周禮學校總括之譜

王宮學

后宮學

婦學

國子學

國子學

鄉學

小學

總學名

后立六宮

以陰禮

教六宮

以陰禮

教九嬪

糾其德行

內宰

祖廟未毀  
教于公宮

師氏

奇樂

樂

族師

籥

籥

國學

以婦職

之法教

九御

國子弟

三曰孝行  
二曰友行  
三曰順行

者有德

者有德

飲酒于序

籥

籥

夏曰校

學國中夫

之事以教

凡有道

者有德

黨正

籥

籥

周曰序

掌以嚴詔

而含國

之子弟

家有塾

籥

籥

周東膠

德

德

德

問胥

籥

籥

夏東序

三曰至德

德

德

問胥

籥

籥

夏東序

二曰敏德

德

德

問胥

籥

籥

夏東序

一曰孝德

德

德

問胥

籥

籥

夏東序

德

德

德

問胥

籥

籥

夏東序

德

德

德

問胥

籥

籥

夏東序

掌王宮之  
宮正  
官府次舍

教之道藝

掌婦學

之法以

教九御

九嬪

婦德

婦言

婦容

婦功

祖廟既毀  
教于宗室

六  
百五禮  
三百六射

藝  
五百六書  
四百五馭

掌諫王惡

保氏

養國子以道

巨祭祀容

巨賓客容

巨朝聘容

巨異紀容

巨軍旅容

巨車馬容

掌國  
學之  
政

樂師

以教  
國子  
小舞

帔舞

羽舞

皇舞

旋舞

千舞

人舞

射于州序

州長

術有序

遂制同州

三年大比興  
賢能以禮禮

鄉大夫

賓之退以鄉  
射詢衆庶

司徒

六德

六藝

八刑

五禮

六樂

大學

二十而冠  
始學禮舞  
太尊博行  
孝弟博學  
不教內而  
不出

射

三十博學  
無方孫友  
視志

擯

公卿天子  
大夫不支  
適子于文  
大學

灋

十五入大  
學學英聖  
禮樂而知  
朝廷君臣  
之禮  
卿里錄子  
年十八始  
入大學

鄉學

家有塾

黨有庠

遂有序

國有學

儀禮有州豫

諸侯曰頌  
宮 小學  
在公宮南  
之左大學  
在郊

魯兼四代  
米廩序替  
宗頌宮

周禮大宰之職以九兩繫邦國之民三曰師以賢得民  
四曰儒以道得民 宮正掌王宮之戒令糾禁以時比  
宮中之官府次舍之衆寡稽其功緒糾其德行去其淫  
怠與其奇衰之民會其什伍而教之道藝 內宰以陰  
禮教六宮以陰禮教九嬪以婦職之灋教九御 九嬪  
掌婦學之灋以教九御婦德婦言婦容婦功 大司徒  
之職正月之吉始和布教于邦國都鄙乃縣教象之灋  
于象魏使萬民觀教象挾日而斂之乃施教灋于邦國

都鄙使之各以教其所治民 以鄉三物教萬民而賓

興之一曰六德知仁聖義忠和二曰六行孝友睦婣任

恤三曰六藝禮樂射御書數 以鄉八刑糾萬民一曰

不孝之刑二曰不睦之刑三曰不婣之刑四曰不弟之

刑五曰不任之刑六曰不恤之刑七曰造言之刑八曰

亂民之刑 以五禮防萬民之偽而教之中以六樂防

萬民之情而教之和 鄉大夫之職各掌其鄉之政教

禁令 三年則大比攷其德行道藝而興賢者能者鄉

老及鄉大夫帥其吏與其衆寡以禮禮賓之厥明鄉老及鄉大夫羣吏獻賢能之書于王王再拜受之登于天府內史貳之退而以鄉射之禮五物詢衆庶一曰和二曰容三曰主皮四曰和容五曰興舞此謂使民興賢出使長之使民興能入使治之 州長各掌其州之教治政令之灋正月之吉各屬其州之民而讀灋以攷其德行道藝而勸之以糾其過惡而戒之若以歲時祭祀州社則屬其民而讀灋亦如之春秋以禮會民而射于州

序 黨正各掌其黨之政令教治及四時之孟月吉日  
則屬民而讀邦灋以糾戒之春秋祭禘亦如之國索鬼  
神而祭祀則以禮屬民而飲酒于序以正齒位一命齒  
于鄉里再命齒于父族三命而不齒凡其黨之祭祀喪  
紀昏冠飲酒教其禮事掌其戒禁 正歲屬民讀灋而  
書其德行道藝以歲時涖校比及大比亦如之 族師  
各掌其族之戒令政事月吉則屬民而讀邦灋書其孝  
弟睦姻有學者春秋祭酺亦如之 閭胥各掌其閭之

徵令 凡春秋之祭祀役政喪紀之數聚衆庶既比則

讀灋書其敬敏任恤者 師氏掌以媿詔王以三德教

國子一曰至德以為道本二曰敏德以為行本三曰孝

德以知逆惡教三行一曰孝行以親父母二曰友行以

尊賢良三曰順行以事師長居虎門之左司王朝掌國

中失之事以教國子弟凡國之貴遊子弟學焉 保氏

掌諫王惡而養國子以道乃教之六藝一曰五禮二曰

六樂三曰五射四曰五馭五曰六書六曰九數乃教之

六儀一曰祭祀之容二曰賓客之容三曰朝廷之容四  
曰喪紀之容五曰軍旅之容六曰車馬之容 司諫掌  
糾萬民之德而勸之朋友正其行而強之道藝巡問而  
觀察之以時書其德行道藝辨其能而可任于國事者  
以攷鄉里之治以詔廢置以行赦宥 司救掌萬民之  
衰惡過失而誅讓之以禮防禁而救之 遂大夫三歲  
大比則帥其吏而興眚明其有功者屬其地治者 大  
司樂掌成均之灋以治建國之學政而合國之子弟焉



凡有道者有德者使教焉死則以為樂祖祭于瞽宗以

樂德教國子中和祇庸孝友以樂語教國子興道諷誦

言語以樂舞教國子舞雲門大卷大咸大磬大夏大濩

大武 樂師掌國學之政以教國子小舞凡舞有帔舞

有羽舞有皇舞有旄舞有干舞有人舞 大胥掌學士

之版以待致諸子春入學舍采合舞秋頒學合聲以六

樂之會正舞位以序出入舞者 凡祭祀之用樂者以

鼓徵學士 小胥掌學士之徵令而比之觸其不敬者

巡舞列而撻其怠慢者 諸子掌國子之倅掌其戒令  
與其教治辨其等正其位 凡國之政事國子存遊倅  
使之修德學道春合諸學秋合諸射以攷其藝而進退  
之

尚書舜典帝曰夔命汝典樂教胄子直而溫寬而栗剛  
而無虐簡而無傲詩言志歌永言聲依永律和聲八音  
克諧無相奪倫神人以和夔曰於予擊石拊石百獸率  
舞 益稷庶頑讒說若不在時候以明之撻以記之書

用識哉欲竝生哉工以納言時而賜之格則承之庸之  
否則威之

尚書大傳大誥古之帝王者必立大學小學使公卿之  
大子大夫元士之適子十有三年始入小學見小節焉  
踐小義焉二十八大學見大節焉踐大義焉故入小學  
知父子之道長幼之序入大學知君臣之義上下之位  
故小學小師取小學之賢者登之大學大學大師取大  
學之賢者登之天子以為左右

毛詩子衿刺學校廢也亂世則學校不修焉青青子衿  
悠悠我心縱我不往子寧不嗣音青青子佩悠悠我思  
縱我不往子寧不來挑兮達兮在城闕兮一日不見如  
三月兮 靈臺虞業維樅賁鼓維鏞於論鼓鐘於樂辟  
靡於論鼓鐘於樂辟靡鼙鼓逢逢矇矇奏公 文王有  
聲鎬京辟靡自西自東自南自北無思不服皇王烝哉  
考卜維王宅是鎬京維龜正之武王成之武王烝哉豐  
水有芑武王豈不仕詒厥孫謀以燕翼子武王烝哉

泮水頌僖公能修泮宮也思樂泮水薄采其芹魯侯戾  
止言觀其旂其旂芾芾鸞聲噦噦無小無大從公于邁  
思樂泮水薄采其藻魯侯戾止其馬蹻蹻其馬蹻蹻其  
音昭昭載色載笑匪怒伊教思樂泮水薄采其芣魯侯  
戾止在泮飲酒旣飲旨酒永錫難老順彼長道屈此羣  
醜穆穆魯侯敬明其德敬慎威儀維民之則允文允武  
昭假烈祖靡有不孝自求伊祐明明魯侯克明其德旣  
作泮宮淮夷攸服矯矯虎臣在泮獻馘淑問如臯陶在

泮獻囚濟濟多士克廣德心桓桓于征狄彼東南烝烝  
皇皇不吳不揚不告于訕在泮獻功角弓其觶束矢其  
撥戎車孔博徒御無斃既克淮夷孔淑不逆式固爾猶  
淮夷卒獲翩彼飛鴉集于泮林食我桑黹懷我好音憬  
彼淮夷來獻其琛元龜象齒大賂南金 菁菁者莪樂  
育材也君子能長育人材則天下喜樂之矣菁菁者莪  
在彼中阿既見君子樂且有儀菁菁者莪在彼中沚既  
見君子我心則喜菁菁者莪在彼中陵既見君子錫我

百朋汎汎楊舟載沈載浮既見君子我心則休 七月  
九月肅霜十月滌場朋酒斯饗曰殺羔羊躋彼公堂稱  
彼兕觥萬壽無疆

禮記王制凡官民材必先論之論辨然後使之任事然  
後爵之位定然後祿之爵人於朝與士共之刑人於市  
與衆棄之是故公家不畜刑人大夫弗養士遇之塗弗  
與言也屏之四方唯其所之不及以政示弗故生也諸  
侯之於天子也比年一小聘三年一大聘五年一朝天

子五年一巡守歲二月東巡守至于岱宗柴而望祀山  
川覲諸侯問百年者就見之命大師陳詩以觀民風命  
市納賈以觀民之所好惡志淫好辟命典禮考時月定  
日同律禮樂制度衣服正之山川神祇有不舉者為不  
敬不敬者君削以地宗廟有不順者為不孝不孝者君  
絀以爵變禮易樂者為不從不從者君流革制度衣服  
者為畔畔者君討有功德於民者加地進律五月南巡  
守至于南嶽如東巡守之禮八月西巡守至于西嶽如



南巡守之禮十有一月北巡守至于北嶽如西巡守之  
禮歸假于祖禰用特天子將出類乎上帝宜乎社造乎  
禰諸侯將出宜乎社造乎禰天子無事與諸侯相見曰  
朝考禮正刑一德以尊于天子天子賜諸侯樂則以祝  
將之賜伯子男樂則以鼗將之諸侯賜弓矢然後征賜  
鈇鉞然後殺賜圭瓚然後為鬯未賜圭瓚則資鬯於天  
子天子命之教然後為學小學在公宮南之左大學在  
郊天子曰辟雍諸侯曰頴宮天子將出征類乎上帝宜

乎社造乎禰禡於所征之地受命於祖受成於學出征  
執有罪反釋奠於學以訊馘告 凡居民量地以制邑  
度地以居民地邑民居必參相得也無曠土無游民食  
節事時民咸安其居樂事勸功尊君親上然後興學司  
徒修六禮以節民性明七教以興民德齊八政以防淫  
一道德以同俗養耆老以致孝恤孤獨以逮不足上賢  
以崇德簡不肖以絀惡命鄉簡不帥教者以告耆老皆  
朝于庠元日習射上功習鄉上齒大司徒帥國之俊士

與執事焉不變命國之右鄉簡不帥教者移之左命國之左鄉簡不帥教者移之右如初禮不變移之郊如初禮不變移之遂如初禮不變屏之遠方終身不齒命鄉論秀士升之司徒曰選士司徒論選士之秀者而升之學曰俊士升於司徒者不征於鄉升於學者不征於司徒曰造士樂正崇四術立四教順先王詩書禮樂以造士春秋教以禮樂冬夏教以詩書王大子王子羣后之天子卿大夫元士之適子國之俊選皆造焉凡入學以

齒將出學小胥大胥小樂正蘭不帥教者以告于大樂  
正大樂正以告于王王命三公九卿大夫元士皆入學  
不變王親視學不變王三日不舉屏之遠方西方曰棘  
東方曰寄終身不齒大樂正論造士之秀者以告于王  
而升諸司馬曰進士司馬辨論官材論進士之賢者以  
告于王而定其論論定然後官之任官然後爵之位定  
然後祿之大夫廢其事終身不仕死以士禮葬之有發  
則命大司徒教士以車甲凡執技論力適四方贏股肱

決射御凡執技以事上者祝史射御醫卜及百工凡執

技以事上者不貳事不移官出鄉不與士齒 凡養老

五十養於鄉六十養於國七十養於學達於諸侯八十  
拜君命一坐再至瞽亦如之九十使人受 有虞氏養

國老於上庠養庶老於下庠夏后氏養國老於東序養  
庶老於西序殷人養國老於右學養庶老於左學周人  
養國老於東膠養庶老於虞庠虞庠在國之西郊 月

令仲春之月上丁命樂正習舞釋菜天子乃帥三公九

卿諸侯大夫親往視之仲丁又命樂正入學習樂 季  
春之月擇吉日大合樂天子乃帥三公九卿諸侯大夫  
親往視之 季秋之月上丁命樂正入學習吹 文王  
世子凡學世子及學士必時春夏學干戈秋冬學羽籥  
皆於東序小樂正學干大胥贊之籥師學戈籥師承贊  
之胥鼓南春誦夏弦大師詔之瞽宗秋學禮執禮者詔  
之冬讀書典書者詔之禮在瞽宗書在上庠凡祭與養  
老乞言合語之禮皆小樂正詔之於東序大樂正學舞

干戚語說命乞言皆大樂正授數大司成論說在東序  
凡侍坐於大司成者遠近間三席可以問終則負牆列  
事未盡不問凡學春官釋奠于其先師秋冬亦如之凡  
始立學者必釋奠于先聖先師及行事必以幣凡釋奠  
者必有合也有國故則否凡大合樂必遂養老凡語于  
郊者必取賢斂才焉或以德進或以事舉或以言揚曲  
藝皆誓之以待又語三而一有焉乃進其等以其序謂  
之郊人遠之於成均以及取爵於上尊也始立學者既

興器用幣然後釋菜不舞不授器乃退儻于東序一獻  
無介語可也 天子視學大昕鼓徵所以警衆也衆至

然後天子至乃命有司行事興秩節祭先師先聖焉有  
司卒事反命始之養也適東序釋奠於先老遂設三老  
五更羣老之席位焉適饌省醴養老之珍具遂發咏焉  
退修之以孝養也反登歌清廟既歌而語以成之也言  
父子君臣長幼之道合德音之致禮之大者也下管象  
舞大武大合衆以事達有神興有德也正君臣之位貴



賤之等焉而上下之義行矣有司告以樂闋王乃命公  
侯伯子男及羣吏曰反養老幼于東序終之以仁也是  
故聖人之記事也慮之以大愛之以敬行之以禮修之  
以孝養紀之以義終之以仁是故古之人一舉事而衆  
皆知其德之備也古之君子舉大事必慎其終始而衆  
安得不喻焉兌命曰念終始典于學 內則子能食食  
教以右手能言男唯女俞男鞶革女鞶絲六年教之數  
與方名七年男女不同席不共食八年出入門戶及即

席飲食必後長者始教之讓九年教之數日十年出就

外傅居宿於外學書計衣不帛襦袴禮帥初朝夕學幼

儀請肄簡諒十有三年學樂誦詩舞勺成童舞象學射

御二十而冠始學禮可以衣裘帛舞大夏惇行孝弟博

學不教內而不出三十而有室始理男事博學無方孫

友視志四十始仕方物出謀發慮道合則服從不可則

去五十命為大夫服官政七十致事 明堂位米廩有

虞氏之庠也序夏后氏之序也瞽宗殷學也頴宮周學

也 學記發慮憲求善良足以諛聞不足以動衆就賢  
體遠足以動衆未足以化民君子如欲化民成俗其必  
由學乎玉不琢不成器人不學不知道是故古之王者  
建國君民教學為先兌命曰念終始典于學其此之謂  
乎 古之教者家有塾黨有庠術有序國有學比年入  
學中年考校一年視離經辨志三年視敬業樂羣五年  
視博習親師七年視論學取友謂之小成九年知類通  
達強立而不反謂之大成夫然後足以化民易俗近者

說服而遠者懷之此大學之道也記曰蛾子時術之其  
此之謂乎大學始教皮弁祭菜示敬道也宵雅肄三官  
其始也入學鼓篋孫其業也夏楚二物收其威也未卜  
禘不視學游其志也時觀而弗語存其心也幼者聽而  
弗問學不躐等也此七者教之大倫也記曰凡學官先  
事士先志其此之謂乎大學之教也時教必有正業退  
息必有居學不學操縵不能安弦不學博依不能安詩  
不學雜服不能安禮不興其藝不能樂學故君子之於

學也藏焉修焉息焉遊焉夫然故安其學而親其師樂其友而信其道是以雖離師輔而不反也兌命曰敬孫務時敏厥修乃來其此之謂乎 凡學之道嚴師為難

師嚴然後道尊道尊然後民知敬學是故君之所不臣於其臣者二當其為尸則弗臣也當其為師則弗臣也大學之禮雖詔於天子無北面所以尊師也 樂記武王克殷反商未及下車而封黃帝之後於蓊封帝堯之後於祝封帝舜之後於陳下車而封夏后氏之後於杞

投殷之後於宋封王子比干之墓釋箕子之囚使之行  
商容而復其位庶民弛政庶士倍祿濟河而西馬散之  
華山之陽而弗復乘牛散之桃林之野而弗復服車甲  
衅而藏之府庫而弗復用倒載干戈包之以虎皮將帥  
之士使為諸侯名之曰建橐然後天下知武王之不復  
用兵也散軍而郊射左射狸首右射騶虞而貫革之射  
息也 食三老五更於大學天子袒而割牲執醬而饋  
執爵而醕冕而總干所以教諸侯之弟也 祭義食三

老五更於大學所以教諸侯之弟也祀先賢於西學所以教諸侯之德也食三老五更於大學天子袒而割牲執醬而饋執爵而醕冕而總干所以教諸侯之弟也是故鄉里有齒而老窮不遺強不犯弱衆不暴寡此由大學來者也天子設四學當入學而大子齒昏義是以古者婦人先嫁三月祖廟未毀教于公宮祖廟既毀教于宗室教以婦德婦言婦容婦功教成祭之牲用魚芼之以蘋藻所以成婦順也鄉飲酒義鄉飲酒之義

主人拜迎賓于庠門之外 射義是故古者天子以射  
選諸侯卿大夫士射者男子之事也因而飾之以禮樂  
也故事之盡禮樂而可數為以立德行者莫若射故聖  
王務焉是故古者天子之制諸侯歲獻貢士於天子天  
子試之於射宮其容體比於禮其節比於樂而中多者  
得與於祭其容體不比於禮其節不比於樂而中少者  
不得與於祭數與於祭而君有慶數不與於祭而君有  
讓數有慶而益地數有讓則削地故曰射者射為諸侯



也 天子之大射謂之射侯射侯者射為諸侯也射中則得為諸侯射不中則不得為諸侯天子將祭必先習射於澤澤者所以擇士也已射於澤而后射於射宮射中者得與於祭不中者不得與於祭不得與於祭者有讓削以地得與於祭者有慶益以地進爵絀地是也

孟子梁惠王上謹庠序之教申之以孝悌之義頒白者

不負戴於道路矣

對梁惠王齊宣王二處

滕文公上設為庠序

學校以教之庠者養也校者教也序者射也夏曰校殷

曰序周曰庠學則三代共之皆所以明人倫也人倫明於上小民親於下有王者起必來取法是為王者師也左傳襄公三十一年鄭人游於鄉校以論執政然明謂子產曰毀鄉校如何子產曰何為夫人朝夕退而游焉以議執政之善否其所善者吾則行之其所惡者吾則改之是吾師也若之何毀之我聞忠善以損怨不聞作威以防怨豈不遽止然猶防川大決所犯傷人必多吾不克救也不如小決使道不如吾聞而藥之也然明曰

蔑也今而後知吾子之信可事也小人實不才若果行此其鄭國實賴之豈唯二三臣仲尼聞是語也曰以是觀之人謂子產不仁吾不信也

前漢食貨志於里有序而鄉有庠序以明教庠則行禮而視化焉春令民畢出在塾冬則畢入於邑其詩曰四之日舉趾同我婦子饁彼南晦又曰十月蟋蟀入我牀下嗟我婦子聿為改歲入此室處所以順陰陽備寇賊習禮文也春將出民里胥平旦坐於右塾鄰長坐於左

塾畢出然後歸夕亦如之入者必持薪樵輕重相分斑  
白不提挈冬民既入婦人同巷相從夜績女工一月得  
四十五日必相從者所以省費燎火同巧拙而合習俗  
也男女有不得其所者因相與歌詠各言其傷是月餘  
子亦在于序室八歲入小學學六甲五方書計之事始  
知室家長幼之節十五入大學學先聖禮樂而知朝廷  
君臣之禮其有秀異者移鄉學于庠序庠序之異者移  
國學于少學諸侯歲貢少學之異者於天子學于大學

命曰造士行同能偶則別之以射然後爵命焉孟春之  
月羣居者將散行人振木鐸徇于路以采詩獻之大師  
比其音律以聞於天子故曰王者不窺牖戶而知天下  
此先王制土處民富而教之之大畧也 賈誼傳治安

策學禮曰帝入東學上親而貴仁則親疎有序而恩相  
及矣帝入南學上齒而貴信則長幼有差而民不誣矣  
帝入西學上賢而貴德則聖智在位而功不遺矣帝入  
北學上貴而尊爵則貴賤有等而下不隲矣帝入太學

承師問道退習而考於太傅太傅罰其不則而匡其不  
及則德智長而治道得矣此五學者既成於上則百姓  
黎民化輯於下矣

鄉學異同之譜

自閣	以上	有學	家有	塾	自族	以下
校	鄉曰校	夏	主教	序	亦曰	豫
自黨以上	至鄉學皆	同制其廣	狹則以所	容多寡為	限故名得	相通
				術曰序	商州黨皆	有序
				主射		


<p>為小 學</p>	<p>自黨 以上 為大 學</p>
<p>庠 <small>亦曰 公堂</small></p>	<p>學</p>
<p>黨曰庠 <small>周鄉飲有庠門 州鄉通曰庠</small> 主養</p>	<p>國曰學 <small>三代校序庠皆 之共可謂之學</small></p>
<p>族學無 名與里</p>	<p>皆在塾 二者 小學</p>

自黨以上兼有德行道藝之  
習故必兼有學校庠序之制



周五學圖

大學



小學

二學郊

王

城

東膠左


虞庠右

王化自內流外五學在國二學在郊


魯泮宮圖

先儒謂泮宮闕其北南通水未然諸侯軒縣殺其南以避王者泮宮闕其南以承王化

諸侯泮宮與魯  
同制但無瞽宗  
東序米廩之名



諸侯大小學



諸侯承  
流宣化  
大學在  
郊小學  
在公宮  
南之左

教官施教書攷之圖

正月之吉

始和布教

于邦國都

鄙乃縣教

象之法于

象魏使萬

民觀教象

扶日而斂

之乃施教

法于邦國

都鄙使之

各以教其

所治民

大司徒

二

十

祀禮

陽禮

陰禮

樂禮

儀

俗

德六

行六

藝六

知仁聖義忠和孝友睦婣任恤禮樂射御書數

比長

閭胥

族師

凡春秋之祭祀役政喪紀之數聚眾庶既比則讀法書其敬敏任恤者

月吉則屬民而讀邦法書其孝弟睦婣有學者春秋祭

醕亦如之

鄰長

里宰

鄣長

里門為塾學記家有塾

諫

司

掌糾萬民

之德而勸

之朋友正

其行而強

之道藝巡

問而觀察

之以時書

其德行道

藝辨其能

而可任於

國事者

因此五物者民之常而施十有二教焉以鄉三物教萬民而賓與之以鄉八刑糾萬民以五禮防萬民之偽而教之中以六樂防萬民之情而教之和

教

庸 賢 世事 度 誓 刑

樂六 禮五 刑八

不孝 不睦 不姻 不弟 不任 不恤 造言 亂民 吉 凶 軍 賓 嘉 霽 衮 大威 大啓 大夏 大澗 大武

夫大鄉 長州 正黨

五月吉日屬民而讀邦法以糾戒之正歲屬民讀法而書其德行道藝正月之吉各屬其州之民而讀法以致其德行道藝而勸之以糾其過惡而戒之若以歲時祭祀州社則屬其民而讀法亦如之正月之吉受教法于司徒退而頌于其鄉吏使各以教其所治以致其德行察其道藝三年則大比其德行道藝而與賢者能者正歲令羣吏致法于司徒道各志之于其所治

夫大遂 正縣 師鄙

三歲大比則帥其吏而與之

救 司

掌萬民之哀惡過失而誅讓之以禮以防禁而救之

鄉遂賓興之圖

鄉大夫

三年則大比攷其德行道藝而興賢者能者鄉老及鄉大夫帥其吏與其衆寡以禮禮賓之厥明鄉老及鄉大夫羣吏獻賢能之書于王王再拜受之登于天府內史貳之退而以鄉射之禮五物詢衆庶此謂使民興賢出使長之使民興能入使治之

遂大夫

鄉	射	五	物
一曰和	二曰容	三曰度	四曰和容
三歲大明其有	比則帥功者	其吏而屬其地	吾擊興毗
			治者

# 王制升選之圖

## 禮大同小異

賢者升之于王	王	司馬論進之
司馬曰進士	司馬	樂正升造士于
于學曰俊士 亦曰造士	學	不征于司徒 司徒升選士
司徒曰選士	司徒	不征于鄉 鄉論秀士于
鄉秀士	鄉秀士	鄉秀士



# 周官糾戒誅罰防救之譜

司徒

以鄉刑糾萬民

不孝

不睦

不姻

不弟

不任

不恤

造言

亂民

州長

正月春秋祭社屬民請法糾其過惡而戒之

黨正

孟月吉日屬民請法以糾戒之

閭胥

凡事掌其比牘捷罰之事

司救

掌萬民之表惡過失而諄諄之以禮防禁而救之

凡民之有表惡者三讓而罰三罰而士加明刑於諸嘉石役請司空

重罪旬有言坐期後其次九日坐九月後其次七日坐七月後其次五日

日坐五月後下罪三日坐三月後

其有過失者三讓而罰三罰而歸於國土

上罪三年而舍中罪二年而舍下

罪一年而舍其不能改而出國土

者殺雖出三年不齒

小胥

掌學士之

徵令而比

之牘其不

敬者巡舞

列而捷其

怠慢者

## 右鄉學

## 右國學

王制所載與周禮所載異周禮寬而王制嚴當是商制漢博士約以為法

# 王制簡不帥教之譜

## 鄉學

簡在大比年故  
四不變屏之

命鄉簡不帥教者以告者老皆朝于庠元日習射上功習鄉上幽大司徒帥國之俊士與執事焉

不變

左鄉移之右  
右鄉移之左

不變

移之郊

不變

移之遂

不變

屏之遠方終身不齒

## 國學

簡在出學年故  
二不變屏之

將出學小胥大胥小樂兵簡不帥教者以告于大樂正大樂正以告于王王命三公九卿大夫元士皆入學

不變

視王親學

不變

王三且不與屏遠方終身不齒

視學養老飲射名數之譜

天子視學

禮節視學

養老三品

天子必養視學老

四代養老

養老引年

鄉飲

鄉飲齒位

鄉射

諸侯視學

常禮

變禮三

大昕鼓徵

國上庠

常禮三

國上庠

五十養於鄉

一命齒于鄉里

再命齒于父族

歲二行

入學舍采

簡不

仲春

國老

仲春

庶下庠

六十養於國

歲一行

三命不齒

歲二行

在泮飲酒

仲春

帥教

大子齒

國老

季春

國東序

七十養於國

於蜡

卒者三豆

卒者四豆

於春秋養老禮

合舞

季秋

庶西序

七十養於國

卒者三豆

卒者四豆

於春秋養老禮

養老禮

大合樂  
天子乃率  
三公九卿  
季春  
諸侯大夫  
親往視之

頌學  
秋  
合聲

出征  
受成

反告  
訊讖

有司  
祭先  
聖先  
師於  
西學

釋奠  
先老  
養老  
乞言  
于東  
序

庶老

門關之  
委積以  
養老孤

變禮三

簡不帥

受成

告訊讖

國右學

商

庶左學

國東膠

周

庶虞庠

八  
十

拜君  
命一

坐再  
至

九十

使人

受

百年

就見

之

歲二行  
於春秋

州長

射必  
先飲

三歲行

鄉大夫

於賓興

主東南

僕東北

位

賓西北

介西南

三歲一行

鄉大夫

詢衆庶

在泮  
獻囚

告訊讖禮

視學養老鄉飲鄉射齒胄禮制別具圖

人之情富不可以不教不富不可以教先王之于民  
養之間井而教之學校先後有序終始相成慮其救  
死不贍奚暇治禮義也慮其飽食煖衣逸居而無教  
則近於禽獸也學校因閭井而興閭井因學校而睦  
法是用久化是用行學之時義大矣哉詩曰弗躬弗  
親庶民弗信易曰正其本萬物理故建師儒以教民  
也而必先以媾詔王掌諫王惡立內宰以教嬪御也  
必先以陰禮教六宮自上而下自內而外在易有之

觀與家人是也官府次舍以衛王宮而糾其德行教之道藝者不廢遊倅以待天子之用而春合諸學秋合諸射之為務不忘于習坎犯難之時尤謹于顛沛造次之際在易有之坎兌是也貴者猶學賤可已乎于變猶學常可已乎是故幼之為小學壯之為大學內之為國學外之為鄉學教灋布于都鄙命教達于諸侯無一學之不建無一士之不勉其效至于兵寢刑措帝王教化之極功也大學之道禁於未發之謂

豫當其可之謂時不陵節而施之謂孫相觀而善之  
謂摩故自六歲至于二十其學為有序自名數至于  
禮樂其業為有漸立之師保聯之朋友則易之漸進  
升積童蒙兌說之義也政之四惡不教而殺謂之虐  
不戒視成謂之暴慢令致期謂之賊故自月吉至于  
正月之吉其讀灋有時自司徒布教至于鄉吏之所  
治其糾戒有素勸之以司諫防之以司救則易益之  
遷改噬嗑之明勅之義也不旌則善無以勸不別則

惡無以懲故德行道藝書攷之既詳則繼之以賓興  
論辨慮其猶有遺也則詢以鄉射明其有功屬其地  
治衰惡過失誅責之不悛則待之嘉石園土猶不忍  
終棄也故能改者出之有時其久不過于三年而舍  
此易大有之過惡揚善噬嗑之小懲大誡也勞而不  
逸則必怠能而不遜則必爭故為之養老鄉飲以逸  
其暇而禮因寓焉為之齒胄鄉射以教其讓而能益  
章焉此易需之宴樂頤之節慎損之懲忿窒欲節之



制數度議德行也萬民教于鄉胄子教于國天子曰  
辟雍五學具焉而小學二諸侯曰類宮四學設焉而  
小學一尊卑貴賤之等著矣易履之辨上下者如此  
出師則受成于學以定其謀振旅則以訊馘告而歸  
其功羣醜于是乎屈好音于是乎懷文武威德之道  
全矣易之師以衆正者如此其立學兼四代之制其  
建學以成均之法其養老則燕食饗修而兼用之聞  
不厭多制不厭備易之大畜多識前言往行者如此

邦國都鄙教法之不殊內外尊卑學制之不一不以  
異廢同不以同害異易之同人類族辨物未濟辨物  
居方者如此六鄉之吏教于鄉師保教于國總之者  
大司徒樂師教其小大胥小胥分其任總之者大司  
樂宮正教于王宮內宰教于后宮總之者小宰司無  
遐棄官無相侵易之良思不出位者如此養老鄉射  
以春秋飲以射蜡大比以三歲大成以九年讀書灋  
攷歲月日時毋易羽籥干戈讀書學禮與四時合其

序民用不忒事用不悖易革之治歷明時者如此德必實之以行藝必根之以道歌以咏其聲舞以動其

容華實相副本末兼備易之蒙果行育德小畜懿文德賁觀人文者如此資富能訓惟以永年則仁壽以此躋內睦外尊養老乞言則福祿以此成長育人材天下喜樂則太平以此保養備動時故天不能病人才衆多故辟王可以免易之泰財成輔相既濟思患豫防者如此建一物而衆美備其學校之謂矣後

世崇儒之君間有興先王之教者不過為飾治美觀而無先王教化之功者豈惟其思慮之不精稽攷之未詳蓋失其本矣有臨之教思無窮容保民無疆然後有觀之省方觀民設教故曰物大然後可觀不富不可以教也有井之養而不窮不可無革之大人虎變故曰井道不可不革富不可不教也先王之經不全漢儒之說紛錯故為圖譜十二詳著其制以備富教斯民者擇焉

理民之道地著為本故必建步立畝正其經界六尺  
為步步百為畝畝百為夫九夫為井井方一里積而  
計之法備一同同方百里提封萬井山川沈斥城池  
邑居園囿術路三分去一以定墾田辨其五物九等  
十二土壤之名物山林藪澤原陵淳鹵之地各以肥  
磽多少為差是謂度地六鄉自五家為比積至萬二  
千五百家為鄉六遂自鄰至遂如鄉之數都鄙自八  
家之井積至千有二十四井為都凡民皆五畝之宅

其半在邑曰室其半在田曰廬析因夷隩順四時以  
出入是謂居民鄉以上地中地下地辨可任之人遂  
以田里安甿授地有田萊多寡之等都鄙制以室數  
而授地如遂載師任土之法宅田士田賈田官田牛  
田賞田牧田皆在農夫授田之外農之餘夫亦以口  
授田如此士工商家五口乃當農夫一人民年二十  
授田六十歸田是謂授田遂人治野夫間有遂積至  
萬夫有川凡五匠人為溝洫田首之遂積至同間之

澮凡四稻人掌稼下地澮防溝遂列澮之制尤詳是  
謂溝洫鄉遂用貢稅夫無公田取以司稼之斂法都  
鄙用助制公田不稅夫于所食四之一征其什二諸  
侯之地公食半侯伯三之一子男四之一載師任地  
自二十而一至二十而五大抵在授田之外是謂稅  
斂六鄉家以一夫為兵四閭為族卒乘具焉六遂亦  
如之都鄙用丘乘之法六十四井而卒乘具千里通  
率萬乘六軍近取于鄉而遂貳焉諸侯倣王國之制

大國三軍取具郊遂而通率千乘次國二軍小國一軍咸倣焉是謂兵賦鄉以地制征家可任者三等遂以下劑致眊則均之家二人凡起徒役無過家一人以其餘為羨惟田與追胥竭作國之大事致民大故致餘子五十不從力政六十不與服戎豐年旬用三日中年二日無年一日凶札則無力政是謂力役丘乘之馬牛車甲備于民鄉遂之馬牛車甲出于官牛田牧田皆在遠郊鄉遂為戎馬六千而牛三之國馬



足以供軍公馬足以稱賦故惟鄉遂為有牧田是謂  
畜牧五畝之宅植牆下以桑菜茹有畦瓜瓠果蔬植  
于疆場雞豚狗彘毋失其時女治絲枲臣妾聚斂疏  
材五十可以衣帛七十可以食肉以介眉壽以食農  
夫魚鼈不勝食材木不勝用養生送死取給足焉是  
謂蕃毓王親耕后親蠶以勸農桑自甸師至宗伯徇  
農者九而王繼以大徇耨穫亦如之教稼穡掌土化  
由司徒下迄草人設官非一種穀必雜五種以備災

害田中不能植木用妨五穀力耕數耘收穫如寇盜  
之至其巡狩諸侯則以地荒闢行慶責焉是謂訓農  
為之郊望方社雩禱烝嘗以逆祥除災下至貓虎坊  
庸使之必報一遇水旱靡神不舉靡愛斯牲年不順  
成八蜡不通以謹民財順成之方其蜡乃通以同民  
樂嘗芟社稼涖卜來歲終則有始以似以續是謂祈  
報民力有餘更與之田如餘夫謂之彊予田不耕者  
使之出三夫之粟里布夫布夫家之征以懲無業無

牲無盛無惇不帛不衰以恥不勉是謂賞罰歲不常  
豐故適人掌委積以待施惠旅師聚耒屋粟間粟  
而用之力不常足故有興耒利眊轉移執事新眊之  
至使無征役春省耕而補不足秋省斂而助不給是  
謂補助中春教振旅以蒐中夏教芟舍以苗中秋教  
治兵以獮中冬教大閱以狩皆于農隙因人之欲竭  
作以習武事教之坐作進退趨走擊刺之節流示之  
禽以觀其不犯命私縱獻豨以明其分守頒禽隆諸

長者以達其弟順在諸侯連帥比年簡車卒正三年  
簡徒羣牧五載大簡車徒是謂治兵比以相保閭以  
相受族黨以相葬相救州鄉以相賙相賓鄉田同井  
出入相友守望相助疾病相扶持道路輕重相分斑  
白不提挈是謂厚俗里有序而鄉有庠八歲入小學  
十五入大學使民以暇日修其德行道藝自閭以上  
月書時攷歲終進退司諫司救巡問觀察以強其進  
以救其過又使諸侯立學以教訓其民是謂育才三

年大比別異其賢能賓以鄉飲獻書于王遂亦興  
如鄉之制諸侯歲貢其秀異王以射擇其能否出長  
入治于是乎取之是謂興賢凡先王所以富庶斯民  
而加之教至于王德流洽禮樂明備皆由井田出故  
總其大要如此



帝王經世圖譜卷十

總校官庶吉士臣張能照  
校對官編修臣閔惇大

謄錄監生臣楊仁基

欽定四庫全書薈要

史部

帝王經世圖譜卷十一

詳校官員外郎臣潘紹觀





欽定四庫全書會要卷一萬一百六

史部

帝王經世圖譜卷十一

宋 唐仲友 撰

藉田勸課之譜

親蠶勸課之譜

農事賞罰之譜

農事祈報異同之譜

補助荒政委積之譜



籍田勸課之譜

祭義

內宰上春王后  
帥六宮生種種  
之種而獻之于  
王

天子千畝  
南郊

冕朱紘

月令

天子三推一墪

班三之

國語

國語

徇耕耨  
之獲亦如

農師一之

農正再之

后稷三之

司空四之

尚書  
孟子

春首耕而補  
不足

土地闢有慶

二月東巡狩

土地荒蕪有讓

土地闢有慶

五月南巡狩

土地荒蕪有讓

周禮

田不耕者出屋粟

東郊

諸侯百畝

冕青紘

三公五推  
三壘公

卿諸侯九推  
九壘卿

庶人終于千畝  
甸師徒三百人

大夫二十七  
士八十一  
庶人二百四十三

司徒五之

太保六之

太師七之

太史八之

宗伯九之

王則大甸

秋省斂而助  
不給

土地闢有慶  
八月西巡狩

土地荒蕪有讓

土地闢有慶

十月朔巡狩

土地荒蕪有讓

不耕者祭無盛

此譜專為勸課藉田禮儀別具圖譜

親蠶勸課之譜

禮記蠶

祭義  
繅

內宰中春詔  
后帥外內命  
婦始蠶于北  
郊以為祭服

王后蠶于北郊

以共純服

國語

社而賦事  
烝而獻功

周禮

詩七月

絲  
麻

古用麻冕  
則治麻事  
敬姜猶績  
王后親織玄紵  
孔子曰今也純儉

公侯夫人加紘綬

宅不毛者有里布  
蠶月條桑

春日載陽  
爰求柔桑

卿內子為大帶

大昕之朝君皮  
弁素積卜三宮  
之夫人世婦之  
吉者使入蠶于  
蠶室

夫人蠶于北郊

以共冕服

遂布于三宮  
夫人世婦之  
吉者使繅

夫人繅三盆手

命婦成祭服

列士妻加朝服

庶學皆衣其夫

不蠶者不帛

不績者不衰

幽風未裳用麻

八月載績載玄載  
黃我朱孔陽為  
公子裳

周禮甸師掌帥其屬而耕耨王藉以時入之以共齎盛  
祭祀共蕭茅共野果菰之薦 內宰中春詔后帥外內

命婦始蠶于北郊以為祭服歲終則會內人之稍食稽  
其功事佐后而受獻功者比其大小與其麤良而賞罰  
之上春詔王后帥六宮之人而生種稔之種而獻之  
于王 載師凡宅不毛者有里布凡田不耕者出屋粟  
閭師凡庶民不耕者祭無盛不蠶者不帛不績者不  
衰 舍人以歲時縣種稔之種以共王后之春獻種

毛詩甫田曾孫來止以其婦子饁彼南畝田峻至喜攘  
其左右嘗其旨否禾易長畝終善且有曾孫不怒農夫  
克敏 瞻卬婦無公事休其蠶織 載芟春籍田而祈  
社稷也載芟載柞其耕澤澤千耦其耘徂隰徂畛侯主  
侯伯侯亞侯旅侯彊侯以有嗇其饁思媚其婦有依其  
士有略其耜俶載南畝播厥百穀實函斯活驛驛其達  
有厭其饀厭厭其苗緜緜其庶載穫濟濟有實其積萬  
億及秭為酒為醴烝畀祖妣以洽百禮有飶其香邦家



之光有椒其馨胡考之寧匪且有且匪今斯今振古如  
茲 七月春日載陽有鳴倉庚女執懿筐遵彼微行爰  
求柔桑 七月流火八月萑葦蠶月條桑取彼斧斨以  
伐遠揚猗彼女桑七月鳴鵙八月載績載玄載黃我朱  
孔陽為公子裳

禮記月令孟春之月天子乃以元日祈穀于上帝乃擇  
元辰天子親載耒耜措之于參保介之御間帥三公九  
卿諸侯大夫躬耕帝籍天子三推三公五推卿諸侯九

推反執爵于大寢三公九卿諸侯大夫皆御命曰勞酒  
季春之月天子乃薦鞠衣于先帝 是月也命野虞

無伐桑柘鳴鳩拂其羽戴勝降于桑具曲植籩筐后妃  
齊戒親東鄉躬桑禁婦女毋觀省婦使以勸蠶事蠶事  
既登分繭稱絲效功以共郊廟之服 孟夏之月蠶事  
畢后妃獻繭乃收繭稅以桑為均 樂記耕藉然後諸  
侯知所以敬 祭義天子為藉千畝冕而朱紘躬秉耒  
諸侯為藉百畝冕而青紘躬秉耒以事天地山川社稷

先古以為醴酪齊盛于是乎取之敬之至也 古者天

子諸侯必有養獸之官及歲時齊戒沐浴而躬朝之犧  
牲祭牲必于是取之敬之至也 古者天子諸侯必有

公桑蠶室近川而為之築宮仞有三尺棘牆而外閉之  
及大昕之朝君皮弁素積卜三宮之夫人世婦之吉者  
使入蠶于蠶室奉種浴于川桑于公桑風戾以食之歲  
既單矣世婦卒蠶奉繭以告于君遂獻繭于夫人夫人  
曰此所以為君服與遂副禕而受之因少牢以禮之古

之獻繭者其率用此與及良日夫人繅三盆手遂布于  
三宮夫人世婦之吉者使繅遂朱綠之玄黃之以為黼  
黻文章服既成君服以祀先王先公敬之至也 耕藉  
所以教諸侯之養也 祭統天子親耕于南郊以共齊  
盛王后蠶于北郊以共純服諸侯耕于東郊亦以共齊  
盛夫人蠶于北郊以共冕服天子諸侯非莫耕也王后  
夫人非莫蠶也身致其誠信誠信之謂盡盡之謂敬敬  
盡然後可以事神明此祭之道也 表記子言之君子

之所謂義者貴賤皆有事于天下天子親耕染盛秬粳  
以事上帝故諸侯勤以輔事于天子

國語周語宣王即位不藉千畝虢文公諫曰不可夫民  
之大事在農上帝之染盛于是乎出民之蕃庶于是乎  
生事之共給于是乎在和協輯睦于是乎興財用蕃殖  
于是乎始敦龐純固于是乎成是故稷為大官古者大  
史順時覲土陽瘳憤盈土氣震發農祥晨正日月底于  
天廟土乃脈發先時九日大史告稷曰自今至于初吉

陽氣俱烝土膏其動弗震弗渝脈其滿膏穀乃不殖稷  
以告王曰史帥陽官以命我司事曰距今九日土其俱  
動王其祇祓監農不易王乃使司徒咸戒戒公卿百吏庶  
民司空除壇于藉命農大夫咸戒農用先時五日瞽告  
有協風至王即齊宮百官御事各即其齊三日王乃淳  
濯饗醴及期鬱人薦鬯犧人薦醴王裸鬯饗醴乃行百  
吏庶民畢從及藉后稷監之膳夫農正陳藉禮大史贊  
王王敬從之王耕一墪班三之庶人終于千畝后稷省

功大史監之司徒省民大師監之畢宰夫陳饗膳宰監  
之膳夫贊之王歆大宰班嘗之庶人終食是日也瞽帥  
音官以省風土廩于籍東南鍾而藏之而時布之于農  
稷則徧戒百姓紀農協功曰陰陽分布震雷出滯土不  
備壅辟在司寇乃命其旅曰徇農師一之農正再之后  
稷三之司空四之司徒五之大保六之大師七之大史  
八之宗伯九之王則大徇耨穫亦如之民用莫不震動  
恪恭于農修其疆畔日服其耨不解于時財用不乏民

用和同是時也王事惟農是務無有求利于其官以干  
農功三時務農而一時講武故征則有威守則有財若  
是乃能媚于神而和于民矣則享祀時至而布施優裕  
也今天子欲修先王之緒而棄其大功匱神之祀而困  
民之財將何以求福用民王弗聽三十九年戰于千畝  
王師敗績于姜氏之戎 宣王料民仲山父諫曰民不  
可料也夫古者不料民而知其多少司民協孤終司商  
協名姓司徒協旅司寇協姦牧協職工協革場協入廩



協出是則少多死生出入往來皆可知也于是又審之  
以事王治農于藉蒐于農隙耨穫亦于藉獮于既烝狩  
于畢時是皆習民數者也 魯語公父文伯之母曰王

后親織玄統公侯之夫人加之以紘緹卿之內子為大  
帶命婦成祭服列士之妻加之以朝服自庶士以下皆  
衣其夫社而賦事烝而獻功男女效績愆則有辟古之  
制也

孟子滕文公下諸侯耕助以供染盛夫人蠶繅以為衣

服 梁惠王下巡狩者巡所守也春省耕而補不足秋  
省斂而助不給 告子下入其疆土地闢則有慶土地  
荒蕪則有讓

春秋桓公十四年秋御廩災穀梁曰天子親耕以共粢  
盛王后親蠶以共祭服國非無良農工女也以為人之  
所盡事其祖禰不若以己所自親者也

觀下觀而化也其象曰先王以省方觀民設教井養  
而不窮者也其象曰君子以勞民勸相繼觀者噬嗑

其象曰先王以明罰勅法繼噬嗑者賁其象曰君子以明庶政無敢折獄繼井者革其象曰君子以治歷明時先王之勸農桑兼有之矣王親耕后親蠶大徇者三省婦使以勸蠶事蓋取諸觀取諸井乎獻種而耕于孟春省斂于秋薦衣而蠶于季春獻繭于夏絲事畢而麻事起其取諸革乎巡狩以闢荒為慶責里布屋粟無盛不帛不衰以罰其惰其取諸噬嗑乎三推三盆手而下降殺有等自農師至于王先後有序

玄統至于衣其夫尊卑有倫其取諸賁乎不特此耳  
祈而後耕薦而後蠶天人因成之理也后獻種而王  
耕天子薦衣而后蠶陰陽始終之義也上之愛民若  
此民其忍不從乎上之率民若此民其能不從乎上  
之防民若此民其敢不從乎周之政本末兼舉如此  
故譜而次之見其本末焉耳

農事賞罰之譜

遂人

授地如鄉之上地  
可任如鄉之下地

以下劑致眡

遂人治野慮民不  
棄于野半劑致之

遂大夫

縣正

載師

凡宅不毛  
者有里布

閭師

凡庶民不畜  
者祭無牲

不耕者祭無盛

孟子

巡狩入其疆土  
地闢則有慶

耨者新墾之田收

其粟謂之耨粟

以興耨利也

興即興之興  
明其有功者

疆即餘夫

以疆予任也

更與之田

三歲大比則帥其

吏而興明其有

功者屬其地治者

趨其稼事而

賞罰之

賞罰之制

不可攷

凡田不耕者

出屋粟

凡民無職事者

出夫家之征

不樹者無椁

不蠶者不帛

不績者不衰

巡狩入其疆土  
地荒蕪則有讓

周禮載師掌任土之法凡宅不毛者有里布凡田不耕者出屋粟凡民無職事者出夫家之征以時徵其賦

閭師凡任民凡無職者出夫布凡庶民不畜者祭無牲不耕者祭無盛不樹者無椁不蠶者不帛不績者不衰遂人凡治野以下劑致阡以田里安阡以興勑利阡以彊予任阡遂大夫以教稼穡以稽功事三歲大比則帥其吏而興阡明其有功者屬其地治者縣正趨其稼事而賞罰之

易曰利者義之和也利物足以和義又曰理財正辭  
禁民為非曰義神農氏作耒耜之利以教天下蓋取  
諸益益之象也君子以見善則遷有過則改夫不能  
使人遷善改過亦未足為益故先王利以和義服田  
力穡者不容無賞義以禁非惰農自安者不容無罰  
賞罰行而民有所勸其不竭力于南畝乎故譜五官  
之事以見古法大槩至于諸侯之國王者分土而畀  
之民使行賞罰者也故巡狩以察之而慶責行于其



君而已周官曰六卿分職各率其屬以倡九牧阜成  
兆民六年五服一朝又六年王乃時巡考制度于四  
岳諸侯各朝于方岳大明黜陟此其事也然孟子言  
黜陟之事以地之荒闢為之首則先王務農重穀于  
此可見



# 農事祈報異同之譜

<p>帝 祈穀于上</p>		<p>黨祭祭</p>		<p>春 祈年于田</p>		<p>祖 以御田祖 族祭酬</p>		<p>夏 帝 祈穀于上</p>	
<p>正月</p>		<p>祈穀于上帝</p>		<p>二月</p>		<p>命民社 開冰 薦廟</p>		<p>三月</p>	
<p>啟蟄而郊 <small>郊而後耕 郊用辛</small></p>		<p>春營祠 土發而社 郊特牲 日月甲 苑田祭社</p>		<p>難稼穡以 薦鞠衣于上帝 達春氣</p>		<p>四月</p>		<p>嘗麥薦廟 飲 龍見而雩 祈穀于上帝</p>	
<p>春藉田而 祈社稷</p>		<p>四之日其蚤 仲春迎暑 獻羔祭韭</p>		<p>五月</p>		<p>為民祈始川百源 大雩帝 薦廟 雩祀百辟卿士</p>		<p>六月</p>	
<p>雩有二 龍見而雩 龍見之雩有 定時常禮也</p>		<p>早暎則舞雩 吳天上帝 禮 燔柴於泰 壇祭天也</p>		<p>苗田享杓</p>		<p>索有二 黨正國索尼 神而祭祀</p>		<p>大司徒荒政 十有二索 鬼神 黨正之索有 定時常禮也 荒政之索無</p>	
<p>大宗伯 祭法</p>		<p>燔柴於泰 壇祭天也</p>		<p>日月星辰 實 王宮祭日 夜明祭月 幽宗祭星</p>		<p>司中司命 禋 埋少牢於泰 昭祭時相近 於坎壇祭寒 暑雩宗祭水 旱</p>		<p>燎</p>	

帝王經世圖譜

十一

冬		國大蜡	冬報	秋	黨祭禁	秋報
十二月	十一月	十月	九月	八月	七月	
命有司祈祀四海大川名源淵澤井泉畢山川之祀及帝之大臣天之神祇大難旁磔出土牛以送寒氣	命有司祈祀四海大川名源淵澤井泉	大飲采乃祈來年于天宗大割祠于公社及所屬臘先祖五祀勞農以休息之	大饗帝	嘗麻薦廟	嘗殺薦廟	

冬報 狩田以享烝 夏祈上帝則冬報亦上帝可知	閉塾而采 即踏 祖此	秋報 春祈上帝 則秋報亦上帝可知	仲秋迎寒 社稷	嘗麻薦廟	嘗殺薦廟	
-----------------------------	------------------	------------------------	------------	------	------	--

定時燮禮也年不順成八蜡不通舉燮則廢其常所以謹民財也詩曰上下與瘞靡神不宗又曰靡神不舉所謂索鬼神也

先王祠禴禘饋食	四方百物	山林川澤	社稷五祀
禴禘饋食	禴	沈	祭
二祧享嘗王立七廟一壇二墀	四坎壇祭四方	山林川谷丘陵能出雲為風雨見怪物皆曰神有天下者祭百神	王立二社王立七祀

周禮黨正國索鬼神而祭祀

謂

春秋祭禘亦如之

雩祭水

也旱族師春秋祭酺亦如之

舞師教皇舞帥而舞旱

暵之事

肆師嘗之日涖卜來歲之芟獮之日涖卜來

歲之戒社之日涖卜來歲之稼

籥章掌土鼓豳籥中

春晝擊土鼓歛豳詩以逆暑中秋夜迎寒亦如之凡國

祈年于田祖歛豳雅擊土鼓以樂田畷國祭蜡則歛豳

頌擊土鼓以息老物 司巫若國大旱則帥巫而舞雩

女巫旱暵則舞雩

禮記月令孟春之月天子乃以元日祈穀于上帝乃擇  
元辰天子親載耒耜措之于參保介之御間帥三公九  
卿諸侯大夫躬耕帝籍天子三推三公五推卿諸侯九  
推反執爵于大寢三公九卿諸侯大夫皆御命曰勞酒  
仲春之月擇元日命民社 季春之月天子乃薦鞠  
衣于先帝 命國難九門磔攘以畢春氣 孟夏之月  
農乃登麥天子乃以程嘗麥先薦寢廟 天子飲酎用  
禮樂 仲夏之月命有司為民祈祀山川百源大雩帝

用盛樂乃命百縣雩祀百辟卿士有益于民者以祈穀  
實農乃登黍是月也天子乃以雛嘗黍羞以含桃先薦  
寢廟 孟秋之月農乃登穀天子嘗新先薦寢廟 仲  
秋之月天子乃難以達秋氣以犬嘗麻先薦寢廟 季  
秋之月大饗帝嘗犧牲告備于天子 天子乃以犬嘗  
稻先薦寢廟 孟冬之月大飲烝天子乃祈來年于天  
宗大割祠于公社及門閭臘先祖五祀勞農以休息之  
仲冬之月天子乃命有司祈祀四海大川名源淵澤

井泉 季冬之月命有司大難旁磔出土牛以送寒氣  
乃畢山川之祀及帝之大臣天之神祇 郊特牲社  
祭土而主陰氣也君南鄉于北墉下答陰之義也日用  
甲用日之始也天子大社必受霜露風雨以達天地之  
氣也是故喪國之社屋之不受天陽也薄社北牖使陰  
明也社所以神地之道也地載萬物天垂象取財于地  
取法于天是以尊天而親地也故教民美報焉家主中  
雷而國主社示本也唯為社事單出里唯為社田國人



畢作唯社丘乘共粢盛所以報本反始也季春出火為  
焚也然後簡其車賦而歷其卒伍而君親誓社以習軍  
旅左之右之坐之起之以觀其習變也而流示之禽而  
鹽諸利以觀其不犯命也求服其志不貪其得故以戰  
則克以祭則受福天子適四方先柴郊之祭也迎長日  
之至也大報天而主日也兆于南郊就陽位也埽地而  
祭于其質也器用陶匏以象天地之性也于郊故謂之  
郊牲用騂尚赤也用犢貴誠也郊之用辛也周之始郊

日以至卜郊受命于祖廟作龜于禰宮尊祖親考之義也卜之日王立于澤親聽誓命受教諫之義也獻命庫門之內戒百官也大廟之命戒百姓也祭之日王皮弁以聽祭報示民嚴上也喪者不哭不敢凶服浼埽反道鄉為田燭弗命而民聽上祭之日王被袞以象天戴冕璪十有二旒則天數也乘素車貴其質也旂十有二旒龍章而設日月以象天也天垂象聖人則之郊所以明天道也帝牛不吉以為稷牛帝牛必在滌三月稷牛唯

具所以別事天神與人鬼也萬物本乎天人本乎祖此所以配上帝也郊之祭也大報本反始也天子大蜡八伊耆氏始為蜡蜡也者索也歲十有二月合聚萬物而索饗之也蜡之祭也王先嗇而祭司嗇也祭百種以報嗇也饗農及郵表暉禽獸仁之至義之盡也古之君子使之必報之迎貓為其食田鼠也迎虎為其食田豕也迎而祭之也祭坊與水庸事也曰土反其宅水歸其壑昆蟲毋作草木歸其澤皮弁素服而祭素服以送終也

葛帶榛杖喪殺也蜡之祭仁之至義之盡也黃衣黃冠而祭息田夫也野夫黃冠黃冠草服也大羅氏天子之掌鳥獸者也諸侯貢屬焉草笠而至尊野服也羅氏致鹿與女而詔客告也以戒諸侯曰好田好女者亡其國天子樹瓜華不斂藏之種也八蜡以記四方年不順成八蜡不通以謹民財也順成之方其蜡乃通以移民也既蜡而收民息也故既蜡君子不興功

毛詩甫田以我齊明與我犧羊以社以方我田既臧農

夫之慶琴瑟擊鼓以御田祖以祈甘雨以介我稷黍以  
穀我士女 大田來方禋祀以其騂黑與其黍稷以享  
以祀以介景福 生民誕我祀如何或春或揄或簸或  
蹂釋之叟叟烝之浮浮載謀載惟取蕭祭脂取羝以軼  
載燔載烈以興嗣歲印盛于豆于豆于登其香始升上  
帝居歆胡臭賁時后稷肇祀庶無罪悔以迄于今 噫  
嘻春夏祈穀于上帝也噫嘻成王既昭假爾率時農夫  
播厥百穀 豐年秋冬報也豐年多黍多稌亦有高廩

萬億及秭為酒為醴烝畀祖妣以洽百禮降福孔皆

載芟春籍田而祈社稷也載芟載柞其耕澤澤千耦其

耘徂隰徂畛侯主侯伯侯亞侯旅侯疆侯以有嗇其饁

思媚其婦有依其士有略其耜俶載南畝播厥百穀實

函斯活驛驛其達有厭其傑厭厭其苗緜緜其庶載穫

濟濟有實其積萬億及秭為酒為醴烝畀祖妣以洽百

禮有飭其香邦家之光有椒其馨胡考之寧匪且有且

匪今斯今振古如茲 良耜秋報社稷也粃粃良耜俶

載南畝播厥百穀實函斯活或來瞻女載筐及筥其饌

伊黍其苙伊糾其罇斯趙以薺荼蓼荼蓼朽止黍稷茂

止獲之恻恻積之粟粟其崇如墉其比如櫛以開百室

百室盈止婦子寧止殺時犉牡有秣其角以似以續續

古之人 七月朞酒斯饗曰殺羔羊躋彼公堂稱彼兕

觥萬壽無疆 雲漢靡神不舉靡愛斯牲圭璧既卒寧

莫我聽 不殄禋祀自郊徂宮上下奠瘞靡神不宗后

稷不克上帝不臨耗斁下土寧丁我躬 羣公先正則

不我助父母先祖胡寧忍予

箋云百辟卿士  
雩祀所及者

羣公先

正則不我聞昊天上帝寧俾我遯旱既大甚黽勉畏去  
胡寧瘖我以旱憊不知其故祈年孔夙方社不莫昊天  
上帝則不我虞敬恭明神宜無悔怒

春秋桓公五年大雩 左傳秋大雩書不時也凡祀啟

蟄而郊龍見而雩始殺而嘗閉蟄而烝過則書 公羊

曰大雩者何旱祭也然則何以不言旱言雩則旱見言  
旱則雩不見 八年春正月己卯烝 公羊曰烝者何



冬祭也春曰祠夏曰禘秋曰嘗冬曰烝常事不書此何以書譏何譏爾譏亟也亟則黷黷則不敬君子之祭也敬而不黷疏則怠怠則忘士不及茲四者則冬不裘夏不葛 穀梁曰烝冬事也春興之志不時也 夏五月

丁丑烝 公羊曰何以書譏亟也 穀梁曰烝冬事也

春夏興之黷祀也志不敬也 十四年秋乙亥嘗 左

傳曰書不害也 公羊曰嘗常事不書此何以書譏何

譏爾譏嘗也曰猶嘗乎御廩災不如勿嘗而已矣 穀

梁曰御廩之災不志此其志何也以為唯未易災之餘而嘗可也志不敬也天子親耕以共粢盛王后親蠶以共祭服國非無良農工女也以為人之所盡事其祖禰不若以己所自親者也何用見其未易災之餘而嘗也曰甸粟而內之三宮三宮米而藏之御廩夫嘗必有兼甸之事焉壬申御廩災乙亥嘗以為未易災之餘而嘗也 僖公十一年秋八月大雩 穀梁曰雩月正也雩不得雨曰旱 十三年秋九月大雩 三十一年夏四

月四卜郊不從乃免牲猶三望 左傳曰夏四月四卜

郊不從乃免牲非禮也猶三望亦非禮也禮不卜常祀

而卜其牲日牛卜日曰牲牲成而卜郊上怠慢也望郊

之細也不郊亦無望可也 公羊曰夏四月四卜郊不

從乃免牲猶三望曷為或言三卜或言四卜三卜禮也

四卜非禮也三卜何以禮四卜何以非禮求吉之道三

禘嘗不卜郊何以卜卜郊非禮也卜郊何以非禮魯郊

非禮也魯郊何以非禮天子祭天諸侯祭土天子有方

望之事無所不通諸侯山川有不在其封內者則不祭也曷為或言免牲或言免牛免牲禮也免牛非禮也免牛何以非禮傷者曰牛三望者何望祭也然則曷祭祭泰山河海曷為祭泰山河海山川有能潤于百里者天子秩而祭之觸石而出膚寸而合不崇朝而徧雨乎天下者唯泰山爾河海潤于千里猶者何通可以已也何以書譏不郊而望祭也穀梁曰夏四月不時也四卜非禮也免牲者為之緇衣纁裳有司玄端奉送至于南

郊免牛亦然乃者亡乎人之辭也猶者可以已之辭也

宣三年春正月郊牛之口傷改卜牛牛死乃不郊猶

三望 左傳曰不郊而望皆非禮也望郊之屬也不郊

亦無望可也 公羊曰郊牛之口傷改卜牛牛死乃不

郊猶三望其言之何緩也曷為不復卜養牲養二卜帝

牲不吉則板稷牲而卜之帝牲在于滌三月于稷者唯

具是視郊則曷為必祭稷王者必以其祖配王者則曷

為必以其祖配自內出者無匹不行自外至者無主不

止 穀梁曰郊牛之口傷之口緩辭也傷自牛作也改  
卜牛牛死乃不郊事之變也乃者亡乎人之辭也 成

公三年秋大雩 七年春正月鼯鼠食郊牛角改卜牛

鼯鼠又食其角乃免牛 穀梁曰不言日急辭也過有

司也郊牛日展斛角而知傷展道盡矣其所以備災之

道不盡也改卜牛鼯鼠又食其角又有繼之辭也其緩

辭也曰亡乎人矣非人之所能也所以免有司之過也

夏五月不郊猶三望 冬大雩 十年夏四月五卜

郊不從乃不郊 公羊曰不免牲故言乃不郊也 穀

梁曰五卜強也 十有七年秋九月辛丑用郊 公羊

曰用者何用者不宜用也九月非所用郊也然則郊曷  
用郊用正月上辛或曰用然後郊 穀梁曰夏之始可

以承春以秋之末承春之始蓋不可矣九月用郊用者  
不宜用也 襄五年秋大雩 左傳曰旱也 七年夏

四月三卜郊不從乃免牲 左傳曰孟獻子曰吾乃今  
而後知有卜筮夫郊祀后稷以祈農事也是故啟蟄而

郊郊而後耕今既耕而卜郊宜其不從也 穀梁曰三

卜禮也 八年秋九月大雩 左傳曰旱也 十一年

夏四月卜郊不從乃不郊 十六年秋大雩 十七

年秋九月大雩 二十八年秋八月大雩 左傳曰旱

也 昭公三年秋八月大雩 左傳曰旱也 六年秋

九月大雩 左傳曰旱也 八年秋大雩 十六年九

月大雩 左傳曰旱也 二十四年秋八月大雩 二

十五年秋七月上辛大雩季辛又雩 左傳曰秋書再



雩旱甚也 公羊曰又雩者非雩也聚衆以逐季氏也

穀梁曰季者有中之辭也又有繼之辭也 定公元

年九月大雩 穀梁曰雩月雩之正也秋大雩非正也

冬大雩非正也秋大雩之為非正何也毛澤未盡人力

未竭未可以雩也雩月雩之正也月之為雩之正何也

其時窮人力盡然後雩雩之正也何謂其時窮人力盡

是月不雨則無及矣是年不艾則無食矣是謂其時窮

人力盡也雩之必待其時窮人力盡何也雩者為旱求

者也求者請也古之人重請何重乎請人之所以為人者讓也請道去讓也則是舍其所以為人也是以重之焉請哉請乎應上公古之神人有應上公者通乎陰陽君親帥諸大夫道之而以請焉夫請者非可詒託而往也必親之者也是以重之 七年秋大雩九月大雩

十二年秋大雩 十五年饑鼠食郊牛牛死改卜牛

公羊曰曷為不言其所食漫也 穀梁曰不敬莫大焉

夏五月辛亥郊 公羊曰曷為以夏五月郊三卜之

運也 哀公元年鼯鼠食郊牛改卜牛 夏四月辛巳

郊 穀梁曰鼯鼠食郊牛角改卜牛夏四月辛巳郊此  
該郊之變而道之也于變之中又有言焉鼯鼠食郊牛  
角改卜牛志不敬也郊牛日展斛角而知傷展道盡矣  
郊自正月至于三月郊之時也夏四月郊不時也五月  
郊不時也夏之始可以承春以秋之末承春之始蓋不  
可矣九月用郊用者不宜用者也郊三卜禮也四卜非  
禮也五卜強也卜免牲者吉則免之不吉則否牛傷不

言傷之者傷自牛作也故其辭緩全曰牲傷曰牛未牲  
曰牛其牛一也其所以為牛者異有變而不郊故卜免  
牛也已牛矣其尚卜免之何也禮與其亡也寧有常置  
之上帝矣故卜而後免之不敢專也卜之不吉則如之  
何不免安置之繫而待六月上甲始庀牲然後左右之  
予之所言者牲之變也而曰我一該郊之變而道之何  
也我以六月上甲始庀牲十月上甲始繫牲十一月十  
二月牲雖有變不道也待正月然後言牲之變此乃所

以該郊郊享道也貴其時大其禮其養牲雖小不備可也子不志三月卜郊何也郊自正月至于三月郊之時也我以十二月下辛卜正月上辛如不從則以二月下辛卜三月上辛如不從則不郊矣

周禮大宗伯以吉禮事邦國之鬼神示以禋祀祀昊天上帝以實柴祀日月星辰以禋燎祀司中司命觀師雨師以血祭祭社稷五祀五嶽以貍沈祭山林川澤以鬯辜祭四方百物以肆獻裸享先王以饋食享先王以祠春

享先王以禴夏享先王以嘗秋享先王以烝冬享先王  
禮記祭法燔柴于泰壇祭天也瘞埋于泰折祭地也用  
騂犢埋少牢于泰昭祭時也相近于坎壇祭寒暑也王  
宮祭日也夜明祭月也幽宗祭星也雩宗祭水旱也四  
坎壇祭四方也山陵川谷丘陵能出雲為風雨見怪物  
皆曰神有天下者祭百神諸侯在其地則祭之亡其地  
則不祭

古之聖王先成民而後致力于神非為己求福有祈

有報莫非為民而于農事尤多郊社方望雩索禴醜  
禴祠烝嘗寒暑送迎開冰薦衣嘗新之禮皆有常典  
惟雩索二禮最備而有變所以求助于鬼神祇者備  
矣詩周禮春秋皆周制祭法有七代之制月令秦制  
故大同而小異今故舉其時月辨其典禮明其常變  
為譜如右觀者察焉先王制祭祀之意思過半矣易  
困之九五利用祭祀堯湯之水旱困于天地反乎中  
而直則利用祭祀祀則受福桑林之禱也然則旱暵

之雩荒政之索亦先王之致命遂志焉



補助荒政委積之譜

委積

補助

荒政聯事

荒政有見別官  
二 佗書 別條

遺鄉里

恤藉 阮

春省耕而補不足

天官 大宰九式 小宰六聯 膳夫不舉

散利

平頒其典 藉

力豐年三日

宗伯凶禮

人門闕

老 養孤

遺人委積

大司徒十二教 荒政 遺人委積 均人力政

薄征

司市無征年 上下出斂法

政中年二日

行人五物

委郊里

待賈 容

地司救施惠

緩刑

今邦國緩刑

等無年一日

王恤諸侯

積野鄙

待薪 旅

秋省斂而助不給

官司關無征

弛力

凶札無力政

差凶札力無

五縣都

待凶 荒

旅師頒斂 廩人殺數 倉人司稼均食

舍禁

山澤列而不賦

道 廬有飲食  
十里有廬

宿有路室

三十里有宿

路室有委

市有候館

五十里有市

候館有積

遺人恤籍既  
詩我取其陳  
族師平頌其

興積

財

司稼調急

平興

春 大保伯凶札  
大司樂弛縣  
保章氏救政

官 大宗伯小宗伯  
祝巫禱祠等事

祝巫禱祠等事

夏 官

大宰閒民  
轉移執事

力

遂師移用

其民

秋 小行人五物  
掌客荒殺禮  
士師荒辯之法

官

冬 官

去幾

司闕無征  
闕梁不租

民人四鬴上

背禮

殺禮多昏  
不舉  
八蜡不通

食人三鬴中

殺哀

凶荒殺禮

等人二鬴下

蕃樂

司樂弛縣

差不能人二鬴  
今邦國移  
民就殺

多昏

殺禮多昏  
會男女之  
無夫家者

荒移民  
政移粟

索鬼神

靡神不舉  
宗伯禱祠

別通財

除盜賊

士師糾守條

殺用

荒政十二

君恤民

以誓教恤

民相恤

旅 師 委 積 三

糶粟 興糶  
之粟

屋粟 不耕  
之粟

間粟 閒民  
之征

周禮大宰以九職任萬民九曰閒民無常職轉移執事

以九式均節財用三曰喪荒之式 小宰以官府之

六聯合邦治三曰喪荒之聯事六曰斂弛之聯事 大

司徒十二教八曰以誓教恤則民不怠 以荒政十有

二聚萬民一曰散利二曰薄征三曰緩刑四曰弛力五

曰舍禁六曰去幾七曰省禮八曰殺哀九曰蕃樂十曰

多昏十有一曰索鬼神十有二曰除盜賊 大荒大札

則令邦國移民通財舍禁弛力薄征緩刑 遺人掌邦

之委積以待施惠鄉里之委積以恤民之難阨門關之

委積以養老孤郊里之委積以待賓客野鄙之委積以

待羈旅縣都之委積以待凶荒凡賓客會同師役掌其

道路之委積凡國野之道十里有廬廬有飲食三十里

有宿宿有路室路室有委五十里有市市有候館候館

有積凡委積之事巡而比之以時頒之均人掌均地

政均地守均地職均人民牛馬車輦之力政凡均力政

以歲上下豐年則公旬用三日焉中年則公旬用二日

焉無年則公旬用一日焉凶札則無力政無財賦不收地守地職不均地政 司救凡歲時有天患民病則以

節巡國中及郊野而以王命施惠 司市國凶荒札喪

則市無征而作布 賈師凡天患禁貴僨者使有恒賈

司關掌國貨之節以聯門市國凶札則無關門之征猶幾 遂師巡其稼穡而移用其民以救其時事 旅

師掌聚野之勑粟屋粟間粟而用之以質劑致民平頒其興積施其惠散其利均其政令凡用粟春頒而秋斂

之凡新甿之治皆聽之使無征役以地之媿惡為之等  
廩人掌九穀之數以待國之匪頒賙賜稍食以歲之  
上下數邦用以知足否以詔穀用以治年之凶豐凡萬  
民之食食者人四鬴上也人三鬴中也人二鬴下也若  
食不能人二鬴則令邦移民就穀詔王殺邦用 倉人  
掌粟入之藏辨九穀之物以待邦用若穀不足則止餘  
法用有餘則藏之以待凶而頒之凡國之大事共道路  
之穀積食飲之具 司稼掌巡邦野之稼而辨種稔之

種周知其名與其所宜地以為法而縣于邑閭巡野觀  
稼以年之上下出斂法掌均萬民之食而調其急而平  
其興 大宗伯以凶禮哀邦國之憂以荒禮哀凶札

大司樂大札大凶凡國之大憂令弛縣 保章氏掌天

星以志星辰日月之變動以觀天下之遷辨其吉凶以  
星土辨九州之地所封封域皆有分星以觀妖祥以十  
有二歲之相觀天下之妖祥以五雲之物辨吉凶水旱  
降豐荒之祲象以十有二風察天地之和命乖別之妖

祥凡此五物者以詔救政訪序事 士師之職若邦凶  
荒則以荒辯之法治之令移民通財糾守緩刑 小行  
人若國札喪則令賻補之若國凶荒則令賙委之若國  
有禍裁則令哀弔之其札喪凶荒厄貧為一書 掌客  
凶荒殺禮札喪殺禮禍裁殺禮

毛詩甫田倬彼甫田歲取十千我取其陳食我農人自  
古有年 雲漢旱既太甚散無友紀鞠哉庶正疚哉冢  
宰趣馬師氏膳夫左右靡人不周無不能止 有狐古



者國有凶荒則殺禮而多昏會男女之無夫家所以育  
人民也

禮記曲禮歲凶年穀不登君膳不祭肺馬不食穀馳道  
不除祭事不縣大夫不食梁士飲酒不樂 王制冢宰

制國用必于歲之杪五穀皆入然後制國用用地小大  
視年之豐耗以三十年之通制國用量入以為出祭用  
數之仞喪三年不祭唯祭天地社稷為越紼而行事喪  
用三年之仞喪祭用不足曰暴有餘曰浩祭豐年不奢

凶年不儉國無九年之蓄曰不足無六年之蓄曰急無  
三年之蓄曰國非其國也三年耕必有一年之食九年  
耕必有三年之食以三十年之通雖有凶旱水溢民無  
菜色然後天子食日舉以樂 郊特牲四方年不順成  
八蜡不通以謹民財也 玉藻年不順成則天子素服  
乘素車食無樂 至于八月不雨君不舉年不順成君  
衣布摺本闕梁不租山澤列而不賦土功不興大夫不  
得造車馬

春秋莊公二十八年冬臧孫辰告糴于齊 左傳冬饑

臧孫辰告糴于齊禮也 公羊曰臧孫辰告糴于齊告

糴者何請糴也何以不稱使以為臧孫辰之私行也曷

為以臧孫辰之私行君子之為國也必有三年之委一

年不熟告糴譏也 穀梁曰臧孫辰告糴于齊國無三

年之蓄曰國非其國也一年不升告糴諸侯告請也糴

糴也不正故舉臧孫辰以為私行也國無九年之蓄曰不

足無六年之蓄曰急無三年之蓄曰國非其國也諸侯

無粟諸侯相歸粟正也臧孫辰告糴于齊告然後與  
之言內之無外交也古者稅什一豐年補敗不外求而  
上下皆足也雖累凶年民弗病也一年不艾而百姓饑  
君子非之不言如為內諱也 二十九年春新延廡

穀梁曰延廡者法廡也其言新有故也有故則何為書  
也古之君人者必時視民之所勤民勤于力則功築罕  
民勤于財則貢賦少民勤于食則百事廢矣 僖公十  
三年 左傳冬晉荐饑使乞糴于秦秦伯謂子桑與諸

乎對曰重施而報君將何求重施而不報其民必攜攜而討焉無衆必敗謂百里與諸乎對曰天災流行國家代有救災恤鄰道也行道有福平鄭之子豹在秦請伐晉秦伯曰其君是惡其民何罪秦于是乎輸粟于晉自雍及絳相繼命之曰汎舟之役 十四年 左傳冬秦饑使乞糴于晉晉人弗與慶鄭曰背施無親幸災不仁貪愛不祥怒鄰不義四德皆失何以守國虢射曰皮之不存毛將安傅慶鄭曰棄信背鄰患孰恤之無信患作

失援必斃是則然矣號射曰無損于怨而厚于寇不如  
勿與慶鄭曰背施幸災民所棄也近猶讎之况怨敵乎  
弗聽退曰君其悔是哉 十五年 左傳晉饑秦輸之  
粟秦饑晉閉之糴故秦伯伐晉是歲晉又饑秦伯又餼  
之粟曰吾怨其君而矜其民 二十一年夏大旱 左  
傳夏大旱公欲焚巫尪臧文仲曰非旱備也修城郭貶  
食省用務嗇勸分此其務也巫尪何為天欲殺之則如  
勿生若能為旱焚之滋甚公從之是歲也饑而不害

定公五年夏歸粟于蔡 左傳歸粟于蔡以周亟矜無  
資

孟子梁惠王上梁惠王曰寡人之於國也盡心焉耳矣  
河內凶則移其民於河東移其粟於河內河東凶亦然  
察鄰國之政無如寡人之心者鄰國之民不加少寡  
人之民不加多何也孟子對曰王好戰請以戰喻填然  
鼓之兵刃既接棄甲曳兵而走或百步而後止或五十  
步而後止以五十步笑百步則何如曰不可直不百步

耳是亦走也曰王如知此則無望民之多於鄰國也不  
違農時穀不可勝食也數罟不入洿池魚鼈不可勝食  
也斧斤以時入山林材木不可勝用也穀與魚鼈不可  
勝食材木不可勝用是使民養生喪死無憾也養生喪  
死無憾王道之始也五畝之宅樹之以桑五十者可以  
衣帛矣雞豚狗彘之畜無失其時七十者可以食肉矣  
百畝之田勿奪其時數口之家可以無飢矣謹庠序之  
教申之以孝悌之義頽白者不負戴於道路矣七十者



衣帛食肉黎民不飢不寒然而不王者未之有也狗彘  
食人食而不知檢塗有餓莩而不知發人死則曰非我  
也歲也是何異於刺人而殺之曰非我也兵也王無罪  
歲斯天下之民至焉 梁惠王下齊宣王見孟子於雪  
宮王曰賢者亦有此樂乎孟子對曰有人不得則非其  
上矣不得而非其上者非也為民上而不與民同樂者  
亦非也樂民之樂者民亦樂其樂憂民之憂者民亦憂  
其憂樂以天下憂以天下然而不王者未之有也昔者

齊景公問於晏子曰吾欲觀於轉附朝儻導海而南放  
於琅邪吾何修而可以比於先王觀也晏子對曰善哉  
問也天子適諸侯曰巡狩巡狩者巡所守也諸侯朝於  
天子曰述職述職者述所職也無非事者春省耕而補  
不足秋省斂而助不給夏諺曰吾王不遊吾何以休吾  
王不豫吾何以助一遊一豫為諸侯度今也不然師行  
而糧食飢者弗食勞者弗息眊眊胥讒民乃作慝方命  
虐民飲食若流流連荒亡為諸侯憂從流下而忘反謂

之流從流上而忘反謂之連從獸無厭謂之荒樂酒無  
厭謂之亡先王無流連之樂荒亡之行唯君所行也景  
公說大戒於國出舍於郊於是始興發補不足召大師  
曰為我作君臣相說之樂蓋徵招角招是也其詩曰畜  
君何尤畜君者好君也 告子下孟子曰五霸者三王  
之罪人也今之諸侯五霸之罪人也今之大夫今之諸  
侯之罪人也天子適諸侯曰巡狩諸侯朝於天子曰述  
職春省耕而補不足秋省斂而助不給入其疆土地辟

田野治養老尊賢俊傑在位則有慶慶以地入其疆土  
地荒蕪遺老失賢培克在位則有讓一不朝則貶其爵  
再不朝則削其地三不朝則六師移之是故天子討而  
不伐諸侯伐而不討五霸者樓諸侯以伐諸侯者也故  
曰五霸者三王之罪人也

先王之於民制為常產教之稼穡既足以生養而有  
餘慮天時之無常則又為之委積其有不足則補助  
行焉其有災患則荒政行焉荒政之目不一大抵損

上益下上以厚下安宅而已委積以待既濟之思患  
預防也平頒興積移民通財謙之哀多益寡稱物平  
施也緩刑解之赦過宥罪也書禮蕃樂節之制數度  
議德行也除盜賊噬嗑之明罰勅法也遊而以休豫  
而以助豫之順以動也索鬼神困之利用祭祀也一  
物而衆善具其委積補助荒政之法歟然梁王移粟  
自謂盡心而孟子以為五十步笑百步何也蓋先王  
以井地為常法以荒政為非常之備委積補助荒政


之條目皆助常法之所不及廢其常法而恃其助非  
益之有孚惠心也坎而習是謂重險君子觀斯象則  
亦常德行習教事而已果能此道彼雖重險其能陷我  
乎太平之書而預為凶荒之備分職聯事詳密委  
曲如此天能使之貧乎堯九年之水湯七年之旱可  
謂重險矣然民無菜色以出乎險者蓄積多而備先  
具也周之委積補助荒政易之意堯湯之法也故譜  
而列之以備王政之始末





帝王經世圖譜卷十一





總校官庶吉士臣張能照

校對官編修臣閔懋大

謄錄監生臣楊仁基